

8
DISSERTATIO INAUGVRALIS MEDICA
DE

AETATIS
RATIONE HABENDA MEDICO
PRAECIPVE CIRCA
VENAESECTIONEM,

QVAM
SVB AVSPICIIS SVMMI NVMINIS
ET
CONSENSV GRATIOSAE FACVLTATIS MEDICAE
PRAESIDE

VIRO ILLVSTRI, EXCELLENTISSIMO ET EXPERIENTISSIMO
DOMINO

D. ANDREA ELIA BÜCHNERO,

SACRI ROMANI IMPERII NOBILI,
POTENTISSIMO BORVSSIAE REGI A CONSILIIS INTIMIS,
MEDICINAE ET PHILOS. NATVRAL. PROFESS. PVBL. ORDIN.
IMPERIAL. ACADEM. NATVRAE CVRIOSOR. PRAESIDE
ET COMITE PALATINO CAESAREO,

PRO GRADV DOCTORIS
SVMMISQVE IN MEDICINA HONORIBVS ET PRIVILEGIIS
DOCTORALIBVS LEGITIME IMPETRANDIS,

D. XV. SEPTEMBR. A. S. R. M DCC XLIX.

PVBlice DEFENDET

AVCTOR

LVDOVICVS HENRICVS VMBSCHIEDEN,

MEISSENHEMIO - BIPONTINVS.

HALAE MAGDEBVRGICAE,
TYPIS IOANNIS CHRISTIANI HILLIGERI, ACAD. TYPOGR.



DISSERTATIO INAUGURALIS MEDICA
DE
AETATIS
RATIONE HABENDA MEDICO
PRAECIPVE CIRCA
VENAESECTIONEM.

PROOEMIUM.



*Q*uam accuratam rerum omnium rationem habere debeat Medicus quilibet, de vita atque sanitate hominum maxime sollicitus, non tantum difficile nimis enarratu, verum etiam fere impossibile. Duo quidem tantum, testante Illustri b. m. BOERHAAVIO, requi-

A 2

quiruntur fundamenta, quibus certa demum nititur tota Medicina: Primum quippe est, accuratissima observatio earum apparitionum, quae in homine sano, aegroto, moriente, mortui cadauere, sensibus externis patent ac deprehenduntur, siue eae oriantur ab iis, quae in ipso homine occurrunt, siue ab iis, quae per externas causas, casu, vel arte, in eum agunt: alterum erit severa indagatio illorum, quae in homine latent sensibus abscondita, vel quae & faciunda sunt in euentum praefixum. Duo haecce autem fundamenta adeo multis iterum fulcimentis praestructa esse debent, ut exactius recenseri vix queant. Tantum enim profecto Medicina nostra continet, quantum per totum vitae decursum, ut non dicam exquisitissime, sed ne rite quidem ullus unquam Medicorum est absoluturus. Neque reprehensione ulla videntur digni, qui ex omni omnino parte Medicinam ita non callent, ut in quouis, vel inextricabili, casu statim habeant in promptu, quod eum praesentissimae conualescentiae spe exhibeant. Eo magis autem illi e medicastroorum & empiricorum turba erunt arguendi, qui, neglectis plane spretisque circumstantiis, (quae ad consuetudinem plurimorum leviores quidem, sed prorsus inique, videntur,) temere atque nimis praecipitanter rem, non sine momentanea peri-

*periculi praesentia, adgrediuntur. Istiusmodi inter
circumstantias, quarum consideratio diligens summe-
que necessaria ut plurimum negligitur, & ea potissi-
mum erit numeranda, quae aetatem hominum concer-
nit, seu vitae periodos. Quanti autem intersit, ut
Medicus aetatis aegrotorum curam habeat sollicite, spe-
cialiori quadam indagatione, loco speciminis inaugu-
ralis, non indignum erit. Non vero, Lector beneuo-
le! in hacce praesenti tractatione eam aetatis consi-
derationem exspectato, quae annos climactericos re-
spicit; horum enim historiam Illustris b. m. Frideri-
cus HOFFMANNVS peculiari quadam Dissertatio-
ne optime iam tradidit. Neque morborum aetatum
aetiologiam fusiolem, neque pathologiam vel therapiam
specialiorem sperato, utpote de quibus seorsim egit Illustris
b. m. G. E. STAHLIVS, in aegregia Dissertatione,
de morborum aetatum fundamentis pathologico-
therapeuticis. Vnice ergo duntaxat eo directus erit
qualiscunque hic meus labor, ut aetatis quoque exa-
ctam rationem habendam esse in venaesectione de-
monstrem; cui conatui, ut Numen, quod cuncta sa-
pientissime regit, summum, clementissime adnuat,
adsit ac faueat, in summis esto
optatis.*



§. I.



De aetatum ratione, Medico praecipue circa venaesectionem habenda, acturi, in limine statim huius tractationis declarandum esse censemus, quid proprie sub *aetatis* vocabulo intelligendum veniat lecturo. *Aetatem* itaque omne illud vitae spatium, a primo vitae momento, usque ad ultimum eius terminum, aut, si mavis, mortem, hic denotare volumus. Idem quoque in sequentibus *aeuum* seu *aeuitatem* significare, perspicuitatis ergo, animaduvertimus. Quum vero aetas hominis in varias *periodos* diuidatur, hic statim istiusmodi diuisionem praemisuri sumus.

§. II.

Vetustissimis iam temporibus homines *aetatis* habuisse rationem, ipsa testatur longaeua antiquitas. Tunc enim temporis iam in *quatuor periodos* discescebant *hominis aetatem*, quae quippe diuisio ad nostra usque tempora nonnullis eadem mansit illaesa
salua-

saluaque. Prima scilicet harum periodus ab ipso vitae initio vsque ad decimum quartum aut sextum circiter annum absolui dicebatur, & *infantia* seu *pueritia* audiebat. Alii contra rectius iterum infantiam inter ac pueritiam distinguendum esse volunt, illamque sex vel septem primos explere vitae annos, hanc vero ad decimum quartum vsque annum perdurare contendunt. Altera, quae *iuventutis* nomine gaudet, vitae periodus, simulque *adolescenciam* sub se comprehendit, vsque ad vigesimum octavum, vel etiam trigesimum extenditur annum. Aetas autem *virilis*, seu *consistens*, vel tertia vitae periodus, intervallum illud a trigesimo vsque ad quinquagesimum, vel, vt alii volunt, ad sexagesimum comprehendit annum. Quarta denique & vltima periodus, seu *aetas senilis*, ad finem vsque extremum vitae perdurat.

§. III.

Hanc vero (§.anteced.) aetatum seu periodorum vitae distinctionem neutiquam vniuersalem esse, merito nunc prius monendum iudicamus. Quanquam enim alii eandem de vtroque sexu accipiant, atque etiam ita nonnumquam valeat; minime tamen omni ex parte de vtroque illo ipsam accipi posse, statim demonstrabimus. Infantiam eosdem in potiori sexu pariter ac sequiori occupare annos, nulli negamus; pueritiam vero, vel, quod de vtroque valet sexu, impubertatem, longius explere intervallum in potiori, quam sequiori sexu, ipsa testatur

tur experientia. Tum demum enim pubertatis initium esse, quando secretio & elaboratio seminis in virili, & menstruus fluxus in foeminino sexu incipiunt, constat; quum vero semen raro ante decimum quintum & sextum annum secerni incipiat, menstruum vero sanguinem iam decimo quarto puellarum anno, immo & citius in quibusdam, prorumpere ac emanare experientia nos edoceat, sequitur inde sexum hunc citius illo acquirere pubertatem. Illam interim periodum, quae iuventutis nomine antea (§. II.) insignita fuit, in utroque pariter sexu eandem esse non contradicentes, virilem seu consistentem aetatem idem occupare spatium in potiori pariter ac sequiori sexu, nequaquam admittimus. Eam enim merito appellamus aetatem virilem seu consistentem, intra cuius terminos homines sui similes generare, vel, quousque generationis opus continuare valent. Iam vero experientia edocti scimus, sexum potiore plerumque facultate illa sobolem procreandi ultra quinquagesimum & non raro ad sexagesimum annum gaudere; quum e contrario sexus sequior ante vel circa quinquagesimum annum facultate illa concipiendi foetumque gestandi iam destituatur, & ad generationem hinc fiat ineptus sterilisque. Inde facile colligere licebit, hancce periodum vitae, seu aetatem consistentem, longius comprehendere intervallum in sexu virili, quam foeminino; ultimam vero periodum plane eandem esse in utroque sexu, absque vlla demonstratione patet.

§. IV.

Descriptis itaque nunc aetatibus seu vitae periodis vtriusque sexus (§. II. III.), ea praecipue iam adducenda nobis erunt *signa*, quae hanc illamue vitae periodum adesse nobis persuadere, vel certo etiam indicare possunt. Experientia testante quotidiana non pauci saepe homines, suaemet ipsius aetatis inscii, Medicum eandem inquirentem prorsus incertum relinquunt, nec verum annorum numerum indicare valent. Sub talibus ergo circumstantiis Medicus, aetatem aegroti indagaturus, ex certis quibusdam signis eandem colligere & ex circumstantiis nonnullis praesentibus diiudicare debet. Quae vero quamquam non accuratissime & adeo certe, ad vnum vsque annum vel diem potius, ex corporis habitu externo, siue aliis circumstantiis, cognosci possit, iam sufficiet, si aliquo tamen modo vitae periodum scire poterit; attentus enim ad varias corporis rationes Medicus utplurimum ita de aetate iudicium formabit, ut non adeo longe a vera aetate praesente sit recessurus.

§. V.

Vt vero iudicium de aetate non plane incongruum formare possit Medicus, multae profecto circumstantiae circa tale scrutinium ab eo erunt observandae. Instituendum inprimis est talis indagatio in causis maxime honestis, & quum, testantibus Medicinae forensis commentatoribus, ad probabilem aetatis explorationem etiam externarum partium

considerationes & inspectiones sufficiant, hinc ea etiam loca, quae verecundia alioquin atque honestas occultare suadent iubentque, tunc insimul inspicienda sunt a Medico aut obstetrice iurata. Si vero aetas hominis in genere scrutinio atque iudicio Medici indaganda subiicitur, omnino tum, bene ita monente Excellentiss. ALBERTI *a)*, ad differentiam quoad temperamenta, prouincias, vitae genus, educationem, familias, dietam, haereditariam dispositionem, clima, ceteraque probe attendat, necesse est, utpote secundum quam animaduersionem & discrepantiam quaedam indiuidua maturius robustiore, validiore & firmiore instruuntur corpore, ut propterea in praedictas circumstantias prouidus Medicus antea curatori studio inquirere omnino debeat, ne deinde, loco solidi iudicii ferendi, sordidum committat praedudicium.

§. VI.

Generatim igitur in aetatis inquisitione & declaratione obseruare conuenit, primo rationis gradum & maturitatem; deinde vultum quoad singulas suas partes, cutis aequae ac aliarum partium statum, ut & coloris conditionem, quatenus praecipue hic naturali statui conformis esse debet. Porro, loquelam, an mollis & tenera, an vero aspera sit ac dura. Corporis postea firmitatem, nec minus pilorum densitatem aut mollitiem, num teneri sint tactu vel rigi-

a) In *Iurisprudentia medica* Part. I. Cap. XVII. §. II. p. 370. *seqq.*

rigidiores. Praeterea cutis lenitatem ac rigorem, itemque actionum qualitatem, an magis minusue feriae & attemperatae sint. Vltimus morbosas alicuius subiecti afflictiones, quatenus ad certam aetatis periodum referri possunt. Vltimo denique loco iudicium indiuidui, quam facile aut difficulter de diuersis rebus obuiis formetur *b*). In specie vero in aetatis scrutinio Medicus attendat necesse est ad sexus diuersitatem. In potiori enim sexu barba certum praesentis aut mox appropinquantis aetatis virilis, crines vero in pudendis, iuuentutis aut pubertatis certissimum erunt signum. In sequiori autem sexu ex ipsa mammarum inspectione, earum magnitudine, duritie siue mollitie, & pariter crinium in pudendis eruptione & conditione, signa satis quoque probabilia, praesentem quandam aetatis periodum denotantia, desumere potest. Haec ergo de aetatis indagatione & cognitione.

§. VII.

Ne vero vanam forsan atque inanem talis argumenti pertractationem fore quisquam sibi imagineatur, ea iam in medium proferamus, quae, quanti in simul haec praesens consideratio sit emolumentum Medico, in diagnosi pariter ac curatione morborum, probe testabuntur. Latissimus nobis quidem hic patet campus, vnde argumenta prolixè depromere possemus, necessitatem cognitionis aetatum satis probantia, nisi breuitati studentes, leuia omittere satius con-

fuleremus, bene gnari, totam hancce tractationem maiorem sic monstraturam esse vtilitatem. Tantum itaque abest, vt prolixius demonstremus, Medicum propterea quoque pollere debere aetatem hominis diiudicandi facultate, quia ipsius a Iudice ciuili in variis casibus non ita raro requiritur sententia, quum omnino iudicium de aetate ad forum medicum pertineat; vt alia potius magis necessaria adferenda nobis videantur argumenta, quae necessitatem illam aperte demonstrant. Tantam enim profecto vtilitatem hoc praebere argumentum, quanta vix ab vlllo alio erit speranda, ex sequentibus melius clariusque elucescet, quemadmodum etiam in genere, vnicum hocce tantum perpendentibus, quod quaelibet aetas suo sibi proprio plerumque adfligatur morbo, nullum plane amplius de huius asserti veritate resistere poterit dubium.

§. VIII.

Ordinem illum vltcrius seruabimus, quo vsi iam sumus in describendis variis aetatum periodis (§. II. III.), & primo hinc considerationi nostrae subiiciemus aetatem infantilem, seu infantiam, quam a primo vitae momento ad septimum vsque annum perdurare abunde iam constat. Vberrima atque foecundissima haecce periodus genetrix esse solet morborum quam plurimorum, quorum originem ex sola plethora deducens Medicus risui sese procul dubio exponeret. Multo magis cachinnos irridentium commoueret ille, qui infanti, circa hoc vitae suae aeuum

ver-

versanti, venaesectionem, siue curandi, siue etiam praeseruandi scopo praescribere non erubesceret. Nullam enim haecce aetatis periodus veram adhuc sistit plethoram, quum pellucidorum, pinguium, lymphaticorum potius humorum abundantiam in ea adesse constet. Plurimi itaque morbi infantibus praecipue proprii, secundum celeberr. b. m. BOERHAAVIVM c), oriuntur 1) a *strigmentis glutinosis, caseosis, lentis*, quibus os, oesophagus, stomachus, intestina replentur, hacque sola ex causa nausea, vomitus, tormina, singultus, conuulsiones saepe excitantur & inducuntur, simulque deinceps restant indigestiones assumptorum. 2) Multum quoque patiuntur vulgo a *meconio* non satis tempestiue remoto, vel ob debilitatem ipsorum post partum, vel ob tenacitatem materiae itemque copiam eius nimiam, vel ob siccitatem viarum. Hinc ab eius mora, lacte & aëre accedentibus, acrimonia, acor, putredo, in vapores resolutio, adeoque dolores torminosi, conuulsiones, nausea, vomitus, singultus, tusses, sternutationes, clamores, flatus, peruigilia, terrores, febres, macies, mors. 3) Non minus quoque patiuntur ab ipso *lacte*, dum id nimis cito fortiterque in stomacho coagulatum, compingitur in vnam massam grauem acremque. Haec enim sensim acrior acidiorque reddita, aluinas feces virides, acidum spirantes, materiem vomitu reiectam tenacem viscidamque reddit, hincque tormina, flatus, dolores, & infinita alia (num. 2. notata), maxime conuulsiones, inducit. Medi-

B 3

cus

c) *Aphor. de cognoscend. & curand. morb. §. 1340. seqq. p. m. 342.*

cus ergo in aetatem infantis aegroti inquirens, de eaque siue ab adstantibus certior redditus, siue etiam eandem ex circumstantiis §. V. & VI. adductis praevidens, statim concludere poterit, quinam morbus praesens, quae eius ratio, qualia medicamenta ordinanda, quaenam eorum dosis seu quantitas, qualis effectus spes, cetera.

§. VIII.

Crescente dein aetate, crescit & sanguinis moles humorumque reliquorum, & in ea aevi periodo, quam *pueritiam* (§. II.) vocant, plethoram, praecipue vero declinante illa, successiue colligi & oriri posse, experientia testatur. In ista pariter atque mox ante descripta vitae periodo (§. anteced.) sanguinem superiora versus, plerumque vero versus ipsum caput, copiosius ferri, experientia vel leuiter edoctis adeo notum est, vt vltiori haud indigeat explanatione. Vnde vero petenda sit ratio, cur in hac aetate fluida versus superiora impetum faciant, reliquis autem temporibus non ita, paucis duntaxat attingere non abs re fore arbitramur. Non conuenimus in huius ratione tradenda cum doctissimo BAGLIVIO, sed a sententia eius aliquantum recedere licebit, quam sequentibus complectitur verbis *d)*: *Pendet id, si licet opinari, ex laxitate nimia solidorum ac fluidorum in senibus; contra vero ex nimia vi, tensione & elatere eorundem in iuuenibus &c.* Contrariam potius

d) Vid. eius Opp. omnia de fibra motrice Specim. Lib. I. p. m. 350.

sententiam in infantibus ac pueris hic tuebimur. Caput, ceu nobilissima corporis pars, vt prius, quam reliquae partes, perficeretur, sanguis, qui partes nutrit earumque incrementum adiuuat, ibidem tardius progredi ac maiori in copia eo deferri debebat. Copiosiore autem sanguinis adscensum versus caput non aequae a tensione, vi ac elatere maiori, quam a minori potius, in hac aetate contingere deprehendemus. Vbi enim maior vis, tensio ac elater vasorum, ibi maior citiorque fluidorum progressus; non vero citiorem, sed segniorem tardiorremque sanguinis motum in capite infantum adesse posse, recte statuimus inde, quia vasa nimis tenera molliaque tanta sese contrahendi ac relaxandi haud gaudent vi, quanta ad talem motum progressivum accelerandum requiritur. Facile igitur iam ratio patet, cur in infantibus ac adolescentibus impetus sanguinis aliorumque humorum maior versus caput fiat; vnde dolores capitis, dentium, coryza frequens, rubor oculorum, haemorrhagiae narium, tinnitus aurium, oris interni ardores, aphthae, convulsiva & epileptica pathemata & adpropinquante inuenili aetate plura circa fauces incommoda, tumores anginosi, inflammatorii, aut tonsillarum viscosi inflatorii, alique huic aetati morbi nimis familiares existunt.

§. X.

Ordo iam requirit, vt etiam de venaesectione, circa hanc aetatis periodum vel vtili, vel noxia, quaedam, moneamus simulque inquiramus, num in
hac

hac ipsa vt venam secando sanguinis moles immi-
nuatur, suadendum potius, quam dissuadendum sit.
Nos equidem venaesectionem in tali aetate nec prae-
seruandi scopo, nec curatiue etiam celebrandam esse
iudicamus, & quamquam multa ab aliis pro adstru-
enda eius vtilitate adferantur argumenta, plura ta-
men iis opponi posse, eaque grauiora, luculenter ex
sequentibus apparebit.

§. XI.

Omnem, si quis forsan obiiceret, plethoram
morbosum aut denotare, aut facile inducere corpo-
ris statum, morbum vero quemcunque auertendum
esse, adeoque praedictam illam infantum & puero-
rum plethoram optime venaesectione instituta immi-
nui posse, illi sequentia regerimus: Primo quidem,
vt recte procedamus, indagatione dignum videtur,
num in hacce periodo morbosa quaedam admitti
queat plethora. Tum demum nempe talem pletho-
ram adesse dicimus, quando iusto maior sanguinis
copia in corpore occurrit, siue quando ordinaria &
proportionata quantitas sanguinis adeo aucta est, vt
omnem statum naturalem transcendat; tum vero iu-
sto maior aderit sanguinis copia, quando plus, quam
ad functiones animales ac vitales rite peragendas re-
quiritur, corpori inest. Tantam ergo infantum cor-
poribus sanguinis molem, naturali maiorem, inesse, vix
ac ne vix quidem adserere licebit, quum ad nutri-
tionem, in hacce periodo praesertim maxime vigen-
tem, magna omnino sanguinis quantitas requiratur.

Etiam si

Et si enim magna sanguinis copia tunc praesto sit, eamque ex superabundanti plethoram dici concederemus; hanc tamen plethoram per se morbosam esse ac noxiam, nemo facile demonstrare poterit. Haec enim simplex, non complicata, sibi relicta, non commota, corpori tantum abest ut noceat, ut ei potius non paruo euadat emolumento, quod quippe statim explanabimus.

§. XII.

Corpus sub hac aetatis periodo potissimum crescit & incrementa subinde maiora ordinarie capit; augmentum vero corporis a fluidis eius partibus, inprimis a latice illo rubro, sanguine, & huic intermixta gelatinosa lympham dependere, ex physiologicis constat *e*). Quo maior itaque sanguinis & lymphae erit copia, eo melius succedet incrementum, quod e contrario eo magis imminuetur, quo minor sanguinis & lymphae copia aderit. Nonne ergo plethoram, si ita loqui licet, incrementum corporis atque augmentum promouere quilibet perspicit satis euidenter? Nonne itaque salutaris potius reputanda erit qualiscunque talis plethora, quam ut eandem, tanquam noxiam, V. Sine imminuendam esse quis credat? Si ergo salutarem hancce sanguinis quantitatem aliquantum auctam, venam secando & laticem purpureum extrahendo sic tolles, simul

C

incre-

e) Conf. Dissertatio de *Salivae secretionem vera*, sub Illustri Dn. PRAESIDE, auctore E. G. KYRELLA ventilata, §. V. pag. 11. sqq.

incrementum illud ac augmentum corporis, debite alias promouendum, impedies, eoque ipso efficies, vt non homo, sed homuncio, nanus, pumilio, emergat.

§. XIII.

Vltcrius adhuc contra adsertionem istam obiici posset, ex duobus malis physicis minimum semper eligendum esse, & melius idcirco fore, si augmentum corporis, eiusque magnitudo & moles quadantenus impedirentur, quam multis morbis, plethoram fouendo, ansa suppeditaretur, quum inde congestiones frequentiores versus caput, hinc cephalalgiae, odontalgiae ac otalgiae, inflammationes oculorum, haemorrhagiae narium, aliaque oriantur mala. Ast nec ista locum habebit obiectio. Plethora enim simplex, sibi relicta, nullum facile inducet morbum, & licet forsitan quoque commoueatur, congestionesque caput versus oriantur, non venaesectione aequae, quam aliis remediis, succurendum tunc esse scito. Talis enim sibi relicta plethora per se nullas vnquam excitabit congestiones, sed potius orgasmus sanguinis auctior, a variis externis causis concitatus, aliaeque rationes plerumque adsunt, vnde mox ante commemorati ortum trahunt morbi. Nisi vero temperantia orgasmum sistent, aut resoluentia, laxantia & alia hic commode adhibenda medicamenta humorum crasin corrigent, excretionisque deficientes restituent, quale in eiusmodi subiectis speciale auxilium a V. S. ne sperare poteris? Quod denique de haemorrhagia narium restat monendum, eam corpori sum-

mo utique emolumento esse, quotidiana docet experientia; quum cephalalgias, odontalgias ceteraque mala hinc optime mitigari, non tantum a priori facile quilibet cognoscere queat, sed & a posteriori innumera fere eundem salutarem effectum confirmant exempla.

§. XIV.

Novum porro contra hancce sententiam a quibusdam moueri praeuideo dubium, dum nempe quaerunt: annon, dum natura per haemorrhagiam narium spontaneam boni saepe quid intendit, & alios grauiissimos morbos eadem non raro arcet & praecauet, pariter quoque ab haemorrhagia artificiose excitata idem emolumentum in morbis grauioribus expectare liceat? Ad hanc vero quaestionem respondendum esse iudicamus, primo quidem non omnem omnino spontaneam haemorrhagiam quolibet tempore & in quibuslibet morbis salutarem esse, sed illam non nisi, quae vere critica est, aut in ipsis primis initiis morborum maxime acutorum & sic dictorum sanguineorum contingit, aut etiam quasi critice in chronicis congestoriis affectibus euenit; deinde vero etiam non vniam eandemque esse salubritatis rationem excretionum, quae sponte fiunt, & quae artis ope excitantur, cum saepius incongrua etiam excretio, sponte saltem oboriens & succedens, meliorem & feliciorum post se trahat effectum, quam arte aut medicamentis prouocata, in se licet optima & morbo ipsi conuenientissima, in primis quum talis non aequae facile

ac semper debito & legitimo prouocari queat tempore, quod melius sane exactiusque ut plurimum sub spontaneis a natura obseruatur excretionibus.

§. XV.

His ita praemissis, altera nunc aetas, *iuuenilis* nempe (§. II. III.), considerata venit. Differt haec vitae periodus, ceteris paribus, a praecedentibus praecipue in eo, quod, quum in illis modo descriptis aetatibus sanguinem plerumque caput versus maiori impetu vergere adseruerimus (§. IX.), tales sanguinis congestiones in hoc vitae interuallo versus pectoris regionem magis dirigantur. Nec adeo difficulter ratio huius effectus indagari & declarari poterit, si priorem §. cit. adductam rationem, de copiosiori sanguinis progressu versus caput, in mentem denuo reuocare placuerit.

§. XVI.

Sanguis in infantia & pueritia impetum facit versus caput (§. VIII.), quia in hac vitae periodo laxitas, teneritudo ac mollities vasorum, contractionem & relaxationem parietum suorum non iuste expedientium, sanguinis circuitum impediunt, ac in ea regione ad diutiorem illius humoris moram occasionem praebent (§. IX.). Crescente annorum serie robur vasorum magis magisque augetur, usque dum, incipiente hac vitae periodo, iuuentute dicta, tantum ceperint roboris incrementum vasa, ut sanguinem recipiendi pariter ac propellendi iusta gaudeant facultate.

cultate, illeque cruor, qui ob vasorum capitis teneritatem antea tardius ibi processit, nunc facilius ac promptius ad alias partes protrudi possit. Nisus ergo maior sanguinis versus caput per resistantiam vasorum capitis impeditur, adeoque regionem illam, quae capiti proxima est, pectoris nempe ambitum, necessario occupare ibique copiosius, accedentibus inprimis variis occasionalibus, tam internis, quam etiam externis causis, retardari & coaceruari debet. Facile itaque exinde patebit, cur circa hanc aetatis periodum frequentiores in pectoris regione ingruant affectus, quales plerumque esse solent: tussis siccae efferae, aut humidae quoque acres & impetuosae, raucedines, asthmata convulsiva, dolores rheumatici circa scapulas, thoracem, humeros, cervicem, palpitationes cordis, haemoptysis, phthisis, pleuritis verae ac spuriae, aliaeque huius generis plura incommoda.

§. XVII.

Longam hic morborum §. anteced. recensitorum subministrare curationem longe a scopo nostro alienum est; propius autem ei accedet consideratio quaedam de venaesectione circa illud aevum instituenda. Si quis ergo interrogaret, num in hoc vitae periodo suadenda sit venaesectio, & an potius praeservatiue, quam curatiue? tunc respondendum esse iudicamus conditionate, non universaliter. Hac enim aetatis periodo incipiente magis insimul accumulari incipit plethora, licet in ea non semper adesse debeat. Finito namque tertio circiter annorum

septenario; homo plerumque in longum crescere definit, minime tamen idcirco incrementum & augmentum corporis plane tunc cessat, sed tum demum pinguius communiter vastiusque reddi solet corpus. Ad hocce vero incrementum adiuvandum maior quaedam sanguinis requiritur copia, quae propterea tunc quoque necessario ulterius in corpore elaborari & conseruari debet. Si vero nullum sub hac aetate corporis incrementum, hominemque nec in longitudinem, nec latitudinem tunc ulterius excrescere obseruabis, insimulque se-et excretiones non rite succedere, animi pathemata graua subinde occurrere, aliasque turbas in naturalibus praecipue functionibus crebrius euenire animaduertes, facile concludere poteris, sanguinis molem augeri, plethoram generari, ac orgasmum dein subsequi posse, hinc congruis & tempestiuis venaesectionibus multis inde oriundis morbis occurrendum, iisque cito praeseruandis ac auertendis sedulo studendum esse. Eo magis id tum necesse erit, quum circa hoc tempus sanguinem versus pectus cum impetu vrgeri & propelli sciamus (§. citat.), atque sub orgasmica eius commotione & ebullitione facile haemoptysis, pleuritis, peripnevmonia, pluraque alia graua oriri possint mala.

§. XVIII.

Praeterea vero & illud adhuc obseruandum hic venit, quod, si in infantia atque adolescentia quis sepius repetitam expertus fuerit haemorrhagiam narium,

rium, finita autem hac aetate ea plane iterum cessauerit, omnium maxime tum naturae succurrendum, & artificiosa instituenda sit sanguinis depletio mediante venaesectione, ne purpureus ille latex, qui antea per nares sibi exitum viamque parauit, alio e loco nunc prorupturus, periculosam inducere & prouocare possit haemorrhagiam. Quod locum attinet, vbi instituenda est venaesectione in subiectis tali in aetate constitutis, libere confitemur, si depletio saltem & ventilatio abundantis sanguinis intenditur, perinde omnino esse, num in brachio, vel pede vena aperiatur. Si autem periculum vrgens praesto fuerit, & inflammatione pulmonum, vel pleurae, itemque graui & impetuosa haemoptysi quispiam laborauerit, tunc vt eo citius a nobiliore isto viscere grauior sanguinis impetus deriuetur, praemissa sufficienti ventilatoria ac deriuatoria venaesectione in brachio, (& quidem in latere opposito seu sano, si inflammatorius sit affectus,) etiam reuulsoria in pede, eaque larga satis & statui plethorico laborantis subiecti debite proportionata, suscipienda erit depletio. Et sane in genere hic obseruandum esse iudicamus, nunquam in nimis parca quantitate emittendum esse sanguinem, sed larga potius, non tamen nimia copia detrahendum, quia plerumque, excitato sic maiori impetu orgasmo, grauiora sequi solent incommoda.

§. XIX.

Ad *virilem iam seu consistentem* (§. II. III.) *aetatem* considerandam nos accingimus. Vt vero eundem,

dem, quem in antecedentibus aetatibus iam descriptis obseruauimus, nunc quoque retineamus ordinem, statim prius monendum erit, sanguinem in ea vitae periodo non tam vegete tantaque in copia, vti in praecedente, versus pectus propelli, sed circa abdominis potius viscera copiosius haerere magisque coaceruari, huiusque rationem vel in Veneris vsu frequentiori aut abusu, vel in motibus variis, repetitis vicibus susceptis & institutis, equitatione nimirum, ventione, aliisque, quaerendam esse, vnde sanguis magis magisque versus hancce inuitatur & deriuatur regionem, aut per longius etiam interuallum ibidem moratur, quod quidem non incipiente demum hoc vitae aeuo, sed etiam declinante iam aetate iuuenili fieri, absque specialiori nostra demonstratione, ipsa testatur experientia. Ex illa ergo in abdominis visceribus mora iusto longiori progressuque per ea difficiliore sanguinis, morborum quoque illorum deriuanda erit origo, qui huic aetati plerumque maxime sunt familiares, quorumque censui sequentes communissime adnumerantur: Haemorrhoides nempe tam externae, quam internae, coecae pariter ac fluentes, dolores lumbares, nephritis simplex & calculosa, malum hypochondriacum & hystericum, arthritici & podagrici dolores, cachexia, hydrops, frequentiora colica pathemata, pluraque alia mala.

§. XX.

Quum ergo nostra circa aetatem instituta considera-

sideratio eo potissimum sit directa, ut inprimis ad venaesectionem respiciamus, num & quomodo eadem sit pro varia illius ratione instituenda, idque etiam intuitu aetatum iam descriptarum absoluerimus, ideo quoque in hac ipsa virili seu consistente nunc dispiciemus, an & quomodo prae illis hactenus consideratis, in ea, tam praeservandi, quam curatorio scopo, suadenda & instituenda sit venaesectio? Equidem quod posterius attinet, absque vlla limitatione id adserere nulli omnino dubitamus; quoad prius autem, seu praeservatorium venaesectionis usum, in quantum ille necessarius & utilis sit, sub certis saltem conditionibus & circumstantiis commendandum & admittendum esse illum variis ex causis non immerito iudicamus.

§. XXI.

Homo enim intra hanc aetatis periodum constitutus, nisi in iuventute venaesectionibus iam iam fuerit adfuetus, nec vlla plethorae signa eiusque incommoda praesto fuerint, utique & in virili seu consistente aetate non semper praeservationis causa opus habebit tali sanguinis ventilatione. Si vero vitam viuat sedentariam, otiosam, lautam, opiparam, ab omni cura & corporis labore remotam, tunc plethorae exinde oriundae ansam ita praebens, moxque angustiam circa praecordia sentiens, ac de somno turbulento, inquieto terificisque insomniis interrupto, aut aliis plethoram commotam denunciantibus pathematibus conquerens, statim venam secando & satis largam

sanguinis copiam detrahendo occurrere debet morbo grauiori indidem orturo. Caueat autem e contrario sedulo, ne trito illi imperitorum effato confidat moremque gerat, quod tamdiu differre iubet venaesectionem, donec grauius quoddam magisque vrgens metuendum fuerit periculum, aut morbus aliquis fonticus imminens tale auxilii genus postula-uerit: Raro enim tunc conueniens & opportunum feligi poterit tempus, rarius speratus ille egregius, sub his circumstantiis, obtinebitur effectus, quum non omnes periculosi morbi venaesectione praecaueri, multo minus tolli queant, sed, ea licet administrata, in lethalem tamen exitum vergant. Vt autem de reliquo partis specialioris aliquam adhuc iniiciamus mentionem, in qua nimirum durante hac aetate praecipue instituenda sit venaesectio, satius omnino ducimus si ea in pede, quam brachio suscipiatur, quia, vt antea monuimus, tum temporis copiosior sanguinis congestio & coaceruatio circa viscera in abdomine sita contingit. Si vero brachii venam, citra vrgentem qualemcunque necessitatem, secaueris & laticem inde purpureum extraxeris, maiorem facile accelerabis circa illam corporis regionem affluxum & impetuosiores congestionem, quam tamen melius citiusque impedire, praecauere aut mitigare poteris, si ex infima corporis regione, seu pedum venis, congrua quantitate, abundantem detrahes sanguinem.

§. XXII.

Hyemem, vt cum Poetis loquamur, vitae, *se-*
nectu-

neētutem nempe, seu vltimam mortique proximam vitae periodum considerando, colophonem praesenti nostrae tractationi iam sumus imposituri. Quid vero longam morborum enarrare seriem iuuabit, quum senectus ipsa morbus merito dici soleat? Incipiente enim hac vitae periodo vltima, virium corporis decrementum manifesto simul incipit, corporis moles pondusque imminuitur, robur & vigor partium decrescit, continuusque ac molestus eius in locum languor & lassitudo succedit, cumque hac ratione actiones, antea cum oblectamento ac facilitate peractae, nunc impediuntur, eo ipso morbosus status simul inducitur. Ipsa porro vasa, naturali sua elastica virtute destituta, debiliorem in liquida contenta & per illa progredientia reactionem exercent, vnde tardius haec ipsa promouentur, facilius subsistunt, omnis generis se- & excretiones impediuntur ac remorantur, tandemque sic apoplexiae, paralyfes, catarrhi suffocatiui, asthmata, atrophiae, marasmus, vna cum vltima illa finali clausula, morte ipsa, accelerantur.

§. XXIII.

Quod autem nunc venae sectionis administrationem, in hac aetatis periodo vel suadendam, vel dissuadendam, attinet, variam omnino eius intuitu variis insitam esse opinionem nulli ignoramus. Qui plane omnem in hac aetate venae sectionem abhorrent & indiscretim hinc senibus singulis prohibent, argumentis Helmontianis nimium quantum confidere videntur, & sanguinem ceu verum vitae thesaurum

nunquam plane, & tanto minus in hac aetate, detrahendum, sed optime potius conseruandum esse, firmiter sibi, contra omnem tamen rationem, persuadent. At, sicuti non in quolibet in tali vitae periodo constituto subiecto indiscretim concedere, nedum imperare possumus venaesectionem: ita nec absolute etiam prohibere eandem licebit, cum satis praegnantibus omnino rationibus eius administrationem in compluribus senibus simpliciter postulent & vrgeant.

§. XXIV.

Senectutem quinquagesimo, aut, vt alii rectius malunt, sexagesimo demum incipere anno, hic non repetituri, illud tantum monebimus, quod ineunte hac periodo corpus nullum vltius nanciscatur augmentum. Inde equidem forsitan concludi posset, sanguinem tunc tanto certius & larga etiam in quantitate detrahi posse, quia corporis augmento non amplius inferuiret. Hoc vero ex ea ratione, quoniam cessante vltiori corporis augmento plethora tanto facilius tunc emergit, absque vlla difficultate concedi potest, certo tamen respectu omnino etiam contrarium obtinet. Semper enim ad alias insimul circumstantias, vt temperamentum, diaetam & reliquum viuendi genus, respiciendum est, ita quidem, vt, si ad summum iam iam progressa fuerit senectus, ipse vero senex vitam degat adhuc quadantenus laboriosam aut mobilem, cum pareiori minusue lauto victu ac potu iunctam, nec vllum sentiat incommodum, plethorae forsitan imputandum, tunc minime utili-

utilitatem quandam, sed noxam potius ex venae-
sectione expectare liceat. Quodsi vero haec con-
trario sese habeant modo, temperamentum adsit
sanguineo-cholericum, vitae genus magis otiosum
& sedentarium, diaeta lauta, aromatisata, vinosa,
imo & spirituosa, appetitus vegetus cum virium
notabili adhuc vigore, tunc venaesectio nequaquam
omittenda, sed conuenienter continuanda est, et-
iamsi ultra sexagesimum aetatis annum iam pro-
gressi fuerint tales senes, cum & hac ratione non
raro, fauente diuina gratia, ulterius prorogari queat
ultimus vitae terminus, prout Illustr. b. m. HOFF-
MANNVS in Dissertatione, *de venaesectione, ma-
gno ad vitam longam remedio*, egregie iam
olim docuit ac monstrauit.

T A N T V M.

S. D. G.



LETTRE DE FELICITATION
à MONSIEUR
le CANDIDAT VMBSCHIEDEN.

MONSIEUR,

Pour juger sainement de la capacité & de la science d'un Candidat, qui ayant fini ses études, quitte l'université, on ne doit pas seulement faire attention au nombre des années qu'il y a employées, mais surtout à ses beaux talents, qu'il a perfectionnés par la diligence nécessaire & le bon ordre qu'il a observé par rapport à ses Colleges. Ce que j'avance ici est si certain que je n'ai aucunement besoin d'en chercher les preuves. C'est en partie par le bon sens, en partie par l'expérience que nous en sommes convaincus. Mais votre exemple Monsieur, justifie tout ce qu'on pourroit dire là-dessus. Permettez-moi de vous remettre devant les yeux le temps que nous quittames ces agréables & charmants lieux où nous sommes nés & où nous avons été élevés. Nous en partimes ensemble pour nous rendre dans cette fameuse Athenes sur les bords de la Sale. Nous avions une envie extrême d'y pouvoir entrer dans le beau & illustre Temple de la Sagesse, où les sciences fleurissent avec tant d'éclat. Si l'on considère la capacité que vous y avez acquise en si peu de temps, & l'honneur avec lequel Minerve vous couronne par la main d'Hippocrate, après que vous avez donné tant de marques de votre habileté & des progrès, que vous avez faits, on voit facilement que je n'ai rien avancé que votre exemple ne prouve évidemment, & que les excellents dons naturels dont

dont vous êtes doué, joints à la diligence assidue que vous avez appliquée aux sciences, vous ont rendu capable de prendre le bonnet de Docteur.

Votre intention est donc, Monsieur, de vous faire connoître dans le monde & parmi les Sçavants, afin de retirer les fruits des soins assidus que vous-avez employés aux études. Je vous en felicite, Monsieur, de tout mon coeur, & vous souhaite mille prosperités. J'en felicite aussi votre chere Famille, qui voit à present que la belle esperance qu'elle a conceue de Vous, n'a point été trompée. J'en felicite en particulier ma Patrie, & surtout notre cher Meissenheim, qui admirera en vous un Sectateur & un successeur de l'illustre Hippocrate, un homme qui est en état de s'opposer long temps à la puissance de la mort, & par consequent capable de faire monter au plus haut degré l'âge de mes chers Compatriotes. Enfin je me felicite moi-même d'avoir eu le plaisir d'acquérir l'amitié & la familiarité d'un cher Compagnon, qui a montré aussibien que plusieurs autres que dans l'Université de JENE, où nous avons eu pendant quelques années l'avantage & le contentement de profiter des instructions des Sçavants & de les admirer, l'on y peut jetter les fondements des perfections auxquelles on aspire. Mais ce qui me flatte le plus, c'est l'assurance que votre amitié pour moi sera toujours constante & sincere. Je Vous prie, Monsieur, de me la conserver, & de croire que le temps ne donnera jamais d'atteinte à la resolution que j'ai prise de demeurer très inviolablement.

MONSIEUR,

à Göttingue le 10me de Septembre

1749.

Votre très humble Serviteur.

JEAN CHARLES MIESER,

Etudiant ès Droits.

ELEGANTER DOCTO
NOBILISSIMOQVE
LVDOVICO HENRICO
VMBSCHIEDEN

SALVBERRIMAE DOCTRINAE
CANDIDATO DIGNISSIMO
DECRETOS SIBI SVMMOS
IN ARTE MEDICA HONORES
GRATVLATVS

FAVSTA FELICIAVE QVAEVIS
EX ANIMO PRECATVS
FORTVNATOS PORRO OMNIVM
RERVM SVCCESSVS OPTO

MICH. GOTTL. AGNETHLER
SAXO TRANSILV. OPPON.

